



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmae Virtvtvm, Ac Vitiorvm , Tomus ...

Guilelmus <Peraldus>

Lvgdvni, 1585

De ordine dicendorum, de dono Timoris. Et de descriptionibus eiusdem.
Capvt I.

[urn:nbn:de:hbz:466:1-46132](https://nbn-resolving.org/urn:nbn:de:hbz:466:1-46132)

fortitudinis dicitur. ¶ Itē notandū quōd inter istas septē gratias prout in Christo fuerūt, tres sunt pertinentes ad diuina, & quatuor ad humana. Ad diuina, donum intellectus quo cognoscitur Dei veritas, & donū sapiētię quo gustatur eius suauitas, & donū timoris quo honoratur Dei sublimitas. Timor enim reuerentię in Christo fuit: reuerēdissimē enim se habuit ad Deū homo ille, non æquans se illi secundū humanitatem, sed ei subiectissimū existens. Ad humana verò pertinent alia quatuor dona: humana enim diuiduntur in ea quę agenda sunt cōmuniter ab omnibus, & sunt in pręcepto, & ea quę pertinet ad perfectionem salutis. Ad ea quę communiter agenda sunt ab omnibus, pertinet donum pietatis, cui lumen ministrat donum scientię. Pietas enim quasi negotiatrix est & cōmutatrix: ideo necessariū est ei lumen scientię quo agnoscat ea quibus negotiatur. Circa ea quę pertinent ad perfectionē est donū fortitudinis, cui lumen ministrat donum consilij, hominē seruans à pręcipitatione in talibus vbi ipsa valde periculosa est. ¶ Item notandum quōd dono timoris sapientia inchoatur. Pro. 1. Timor domini, principium sapientię. Dono sapientię consummatur, donis verò mediis proficiendo ad consummationē sapientię appropinquat. ¶ Item notandum quōd duo dona pertinent ad contemplationem, scilicet donum intellectus, & donū sapiētię. Dono intellectus contemplatur Deum in creaturis, dono sapiētię in se. Alia quinque dona pertinent ad actiuam. Timore declinat malum. Prou. 1. Per timorem domini declinat omnis à malo. Dono pietatis & dono fortitudinis ad lumen scientię & consilij fiunt bona.

De dono timoris. PARS III qua habet quatuor capitula.

De ordine dicendorum, de dono Timoris. Et de descriptionibus eiusdem.

C A P V T I.

C Onsequenter agendum est de singulis donis per ordinē. Et primò de his quę pertinet ad actiuā. Actiuā enim prior est tēpore quā contemplatiua. Oportet enim q̄ homo primo exerceat se in actiuā quā ascendat ad contemplatiuā. Lia prior fuit nata quā Rachel. Gen. 28. Et prius fuit tradēda nuptui. Vnde legitur in eodē q̄ Laban dixit Jacob conquerenti de hoc q̄ Lia ei supposita esset pro Rachele: Non est in loco nostro cōsuetudinis, vt minores antē tradamus ad nuptias. Inter dona verò pertinentia ad actiuā prius dicitur de dono timoris, à quo nobis inchoandū est, si volumus proficere. Aug. in sermo. quodam de timore domini. Esaias dona enumerās, à sapiētia peruenit ad timorē, tanquā de sublimi descendēs ad nos, vt doceret ascendere illuc.

illuc. Ergo peruenit vnde debemus incipere proficiendo. ¶ De timore vero hoc modo agetur. Primo ponetur eius descriptiones. Secundo, commendationes. Tertio tangetur de speciebus timoris. Quarto, de his quæ valere possunt ad incurtendum nobis timorē. ¶ Circa primū notandū quod timor est spiritualis fuga mali ne perdat homo quod amat. Et est supra hæc descriptio de Gl. Aug. super Ioa. 10. cap. vbi loquitur de mercenario. Fuga timoris non est fuga ignauie, sed est fuga sapietia. Iob 28. Ecce timor Domini ipse est sapientia. Fuga timoris fuga est cautæ declinationis. Pro. 14. Sapiens timet & declinat à malo: stultus transilit & confidit. Talis est fuga Parthorum, quæ nõ est ignauia, sed bellandi peritia. Fugiendo vincunt Parthi: idē fugientes ab his quibus nota est eorum peritia timentur, sic timor dum timet timetur, secundum illud Philosophi: Qui timet Deum, omnia timet eum: qui verò non timet Deum, timet omnia. Vnde Cain perpetrato homicidio fratris, caput tremulum habuit, & ait: Omnis qui inuenit me, occidet me. Ge. 4. Nõ est turpis fuga, iacula cauere vel protegendo, vel abscondendo se, vel simulata fuga hostes ab vtriusque longe abstrahere, sicut legitur fecisse populus Domini, Ios. 7. Item dicit Aug. lib. 14. de Ciuitate, quod timor est amor fugiens quod ei aduersatur. Item timor est affectio futuri mali, secundum Damascē. timor est expectatio mali. dicit enim, Expectatum malum timorem constituit, præsens verò Tristitiam.

De commendatione Timoris.

CAP. III.

Ad commendationē Timoris diuini, Primò valere possunt Admonitiones quas scriptura sacra facit ad timendum Deum. Leuit. 30. Time Dominum Deum tuum. Deuter. 6. Dominum Deum tuum timebis. Iosue 10. Timete dominum, & seruite ei corde perfecto. In Psal. Seruire domino in timore. Item: Timete dominum omnes sancti eius. Ecclesi. 2. Fili accedens ad seruitutem Dei, sta in iustitia & timore. Eiusdem 7. In tota anima tua time Deum. Matt. 10. Timete eum qui potest & corpus, & animam mittere in gehennam ignis. Secundo promissiones quas scriptura facit timentibus Deum. Tob. 4. Multa bona habebimus si timuerimus Deum, & recesserimus à peccato & fecerimus bene. Ecclesi. 1. Timenti Deum bene erit in extremis, & in diebus defunctionis suæ benedicetur. In eodem. Timenti dominum bene erit, & in diebus consolationis suæ benedicetur. Tertio, quod scriptura sacra aded beatificat timētes Deū. Prou. 28. Beatus homo qui semper est pavidus: qui verò mentis est dura, cottuet in malum. Ecclesi. 15. Beatus cui donatū est habere